

ILLERSUISOQ SUUA?

Illersuisoq tassaavoq kommunimukaleruit inuk ilagisinnaasat. Illersuisuit illit tusaaneqarnissat eqqortumillu siunnersorneqarnissat qularnaassavaa. Illersuisut tassaassaaq kommunimi ataatsimeeqateqarninni tusarnaqaataasoq malinnaasorlu ikiuisinnaasorlu. Illersuisuit oqaatigisassavit eqqaamanissaanut ataatsimiinnermilu qanoq oqartoqarneranik ikiorsinnaavaatit.

Illersuisuit aamma naammagittaalliornissannut ikiorsinnaavaatit isumaqaruit suliaq ilinnut tunngasoq kukkusumik suliarineqarsimasoq.

SOOQ ILLERSUISUMIK PISARIAQARTITSISINNAAVUNGA?

Kommunimi ataatsimeeqateqarneq paatsiveerunnarsinnaavoq. Inunnik Isumaginnittumut oqaatigisassatit paasissutissat amerlasinnaapput. Inunnik isumaginnittumit aamma paasissutissat tunniunneqartut eqqaamaniartussaavatit. Illit innuttaasutut tusarniarneqarnissat pingaaruteqarpoq inunnillu isumaginnittup malittarisassanik malinninnissaa pingaaruteqarpoq.

Suliat ilinnut tunngasup suliarineqannginnerani paasissutissat assigiinngitsut pissarsiarineqaqqaartariaqarput. Paasissutissat ilaat illit tunniussinnaavatit. Paasissutissat allat kommunip pissarsiarisinnaavai, ilaalu taamaallaat illit atsiortillutit akuersiteqqaarlutit pissarsiarisinnaallugit.

QAQUGUKKUT ILLERSUISUMIK PISARIAQARTITSISINNAAVUNGA?

Illersuisumik pisariaqartitsisinnaavutit kommunimit taparserneqarnissamik qinnuteqaruit. Siullerpaamik saaffiginnikkuit illersuisoqarnissannik neqeroorfigineqarnissat kommunip pisussaaffigaa. Imaassinnaavoq kommunimi suliamik suliaqartoqalereersoq kommunimit illersuisumik neqeroorfigineqarnak.

Qaqugukkulluunniit illersuisoqarnissat qinnutigisinnaavat kommunimit neqeroorfigineqarsimangikkuit.

Imaassinnaavoq aamma illit nammineq qinnuteqaraluarlutit itigartitaasimasutit, tamannalu pillugu naammagittaalliuutiginiarit. Tassani aamma illersuisumit ikiorneqarsinnaavutit.

QANOQ ILILLUNGA ILLERSUISUMIK PISSARSISSAANGA?

Illersuisut kommunimit akissarsiaqartarput, kommunimulli atanngillat. Tassa imaappoq illit sullissavaatit illillu ikiorlutit.

Kommunimut siullermik saaffiginninninni illersuisoqarnissat piumasinnaavat, kommunimit neqeroorfigineqanngikkuit. Akeqanngilaq.

MALUGIUK. Kommunimi ataatsimeeqateqartinnak pitsaanerussaaq illersuisut oqaloqatigeqqaarukku. Pingaaruteqarmammi oqarfiginissaa suna pillugu ikioqqunerlutit.

Qanoq ilinerani illersuisoqarnissap iluaqutaasinnaaneranik assersuut



Inuk aanaartooreerluni pitsorlusseqqavoq, timaata saamiatungaa nukillaaqqammat. Inuk peqqinnissaqarfimmi nakorsarneqareerluni angerlarsimaffimminut angerlarpoq. Inuup aningaasaqarnini paasilluarusuppa, siornatigut suliffigisimasaminik suliaqarsinnaajunnaarami. Inuk angerlarsimaffimmini atortulersuutini amigateqarpoq.

Inuk kommunimut ataatsimiigialerpoq. Puigutuunngornikuugamili kommunimi oqaasissani tamakkerlugit eqqaamajuminaatsippai. Taamaattumik illersuisumik amigateqarpoq.



Kommunip Inuup illersuisoqarnissaanik neqeroorfigisimavaa. Inuk illersuisorlu suliaq pillugu oqaloqatigiipput, Inuup isumaasa apeqqutaasalu kommunimit tusaaneqarnissaat pingaaruteqarmat.

Kommunip suliaq Inummut tunngasoq suliaralugu aallartippaa. Ataatsimoorlutik Inuup siusinaarluni soraarnerussutisiaqalersinnaanera atortorissaarutinillu peqarnissaanut periarfissat oqaluuserivaat.

